



আশাপূর্ণা দেবীর

বাহাই গল্প



মণ্ডল বুক হাউস, ৭৮/১ এম. জি. রোড, কোলকাতা-৯

ফোন : ২২৪১ ৪১৪১

প্রকাশক
দোলা সেনাপতি
৭৮/১, মহাত্মা গান্ধী রোড
কলকাতা - ৭০০ ০০৯

প্রথম প্রকাশ
শ্রাবণ ১৩৮৬

চতুর্দশ মুদ্রণ
মাঘ ১৪১৫

প্রচ্ছদ পট
শ্রী গণেশ বসু

পঞ্চদশ মুদ্রণ
অগ্রহায়ণ ১৪১৭

ষষ্ঠদশ মুদ্রণ
বৈশাখ ১৪২১

মুদ্রক
রাধাকৃষ্ণ প্রেস
৭৫, বৈঠক খানা রোড
কলকাতা - ৭০০০০৯

সপ্তদশ মুদ্রণ
কার্তিক ১৪২৪

মূল্য : ১২০ টাকা

শোক

ছুটির দিনে বিশ্রাম সুখ, এমন বিলাসিতার কথা ভাবতেই পারে না দীপা। ছুটির দিনগুলোয় রাশি রাশি পরীক্ষার খাতা দেখে সে।

দীপা টেবিলের উপর সেই খাতার পর্বত জাময়ে বসে দাঁতে দাঁত চেপে একটার পর একটা খাতা দেখে যাচ্ছিল। দীপার মাথা কির্মাঝি করাছিল, দীপার চোখের পাতায় যেন মৃত্যুঘুম নেমে আসতে চাইছিল।

ক্লান্ত, ক্লান্ত, পাথরের চাঁইয়ের মতো বৃকে চেপে বসে আছে এই ক্লান্তির ভার। এর থেকে বৃঝি কোনোদিনই উদ্ধার নেই দীপার।

অথচ জয়দীপটা যদি একটু মানুষের মতো হতো।

জয়দীপের নিলজ্জতা দেখে দেখেই যেন দীপা এতো ক্লান্ত হয়ে উঠেছে। ক্লান্ত, ষণ, মেজাজি। সত্যি আজকাল যেন মেজাজের ভারসাম্য হারিয়ে ফেলতে বসেছে দীপা। ওর মেজাজ দেখে মা স্তম্ভ গম্ভীর, ছোট ছোট ভাই বোন তিনটে দিদিকে এড়িয়ে পালিয়ে বেড়ায়। সহজ ভাবে যা কথা, সেটা জয়দীপই কর। কিন্তু সে সবই তো তার নিজের স্বার্থসিদ্ধির কথা!

আশ্চর্য, কী অদ্ভুত বেহায়া হয়ে গেছে ছেলেটা।

যেন এ সংসার সম্পর্কে ওর কোনো দায়িত্বের প্রশ্ন নেই।

নিজের ঘরে বসেই টের পাচ্ছিল দীপা জয়দীপ বৈকালিক ভ্রমণে বেরোবার তোড়জোড় করছে। প্রথমে কলঘরে গিয়ে চৌবাচ্চার সব জলটা সাবাড় করে এসেছে; তার পর এখন ঘরের মধ্যে গুন গুন করে গান গেয়ে গেয়ে হাঁটা চলা করে বেড়াচ্ছে। তার মানে এ আর্শি ও আর্শি করে ঘুরে ফিরে দাঁড়ি কামাচ্ছে, পাউডার মাখছে, ঘাড় লতানো এক কাঁড়ি চুলের কেয়ারি করছে, জুলফির কায়দা বজায় আছে কি না দেখছে।

এরপর জামা প্যান্ট বাছাই করে পরা, তারপর সাজগোজ সেরে প্যান্টের পকেটে রুমাল পুরতে পুরতে এঘরের দরজায় এসে দাঁড়ানো।

সব মন্থস্থ হয়ে গেছে দীপার।

এসে দাঁড়িয়ে কী কথা বলবে জয়দীপ তা পর্যন্ত।

তা সত্যিসত্যিই সেই মন্থস্থ হয়ে যাওয়া কথাটাই বললো জয়দীপ দরজায় দাঁড়িয়ে। লজ্জা চাপা দেবার যে বিশেষ বেপরোয়া ভঙ্গিটি আয়ত্ত করে নিয়েছে সে, সেই ভঙ্গিতে বলে ওঠে, এই দিদি খুব মাথা ঘামাচ্ছিস তো? কোনো দরকার নেই বাবা, স্নেফ একখানা করে খাতা ধর আর ঢেরা মেরে দে। দীপা মন্থ না তুললেও টের পাচ্ছে, জয়দীপের মন্থটা আহ্নাদে এখন টগবগ করছে। তার মানে সেই বাম্ববীটির

বাড়িতে ছুটেছে।

দীপার সারা শরীর রাগে রী রী করে ওঠে।

শুধু বেকার তবু সহ্য হয়, কিন্তু প্রেমে পড়া বেকার ?

অসহ্য।

প্রেমে হাবুডুবু খাচ্ছেন বাবু ! নিজের পায়ের তলায় মাটি নেই, একটা টলমলে

ফুটো নৌকোর ওপর ভর, অথচ—

আশ্চর্য ! সবই তো জানে ও। দীপার জীবনের কোনো কিছুই তো অজানা নেই

ওর। যখন দীপার জীবনে ভালবাসা এসেছিল, তখন পিঠোপিঠি ছোট ভাইকে,

—যা যা পাকর্ম করতে আসিস নে, বড় যে দেখাছ ডে'পো হয়ে উঠেছিস—বলে

শাসালেও, পরে বলেও ফেলেছে সব, না বলে পারতো না বলেই বলে ফেলতো।

সেই ভালোবাসাকে দীপা সরিয়ে দিয়েছে।

সেই সুখস্বপ্নকে স্বেচ্ছায় চোখ থেকে মুছে ফেলেছে। কারণ দীপার বাবা জোর

কদমে চলতে চলতে হঠাৎ চলার পথে পূর্ণচ্ছেদ টেনে হঠাৎ বিদায় নিলেন, আর

মা সেই ধাক্কায় প্রায় শয্যা নিলেন। অকাল-বার্ধক্যের শিকার মান-র পুরনো শান্ত

মেজাজ গেল বদলে।

দীপা বড়, দীপার খর দিকে সমগ্র সংসার তাকিয়ে, অতএব দীপা নিজের মুখটার

দিকে তাকাবার কথাট ভুলে যাবার সাধনা করতে লাগলো।

এ সমস্তই জয়দীপের জানা।

অথচ জয়দীপ এই সংসারের ক্ষীণ ভাঁড়ার থেকেই সাজছে গুজছে বেড়াচ্ছে আর
প্রেম করছে।

দীপার শরীর রাগে রী রী করে উঠবে না ?

জয়দীপ একটু উসখুস করে বলে, 'এই দাঁদি তোর ওই সার্ভাইনেটের প্রাঁত কস-
এর ভাঁঙ্গটা ছাড় বাবা ! দয়া করে একটু তাকা !'

দীপা বরফ বরফ চোখ তুলে শান্ত গলায় বলে, 'কী ?'

'কী সেটা তো বুদ্ধতেই পারছিস, মুখ দিয়ে না বলিয়ে ছাড়বি না ?'

'আমার বোধশক্তিটা একটু কম,' দীপা বলে, 'যা বলবার স্পষ্ট করেই বলতে হবে।'

জয়দীপ একটু এগিয়ে এসে দাঁদির টোঁবলের ওপর বুকুকে দাঁড়িয়ে বলে, 'নেহাতই
বলবি ? তবে স্পষ্ট করেই বলি—বলছি, কিছু মাল কাড়ি ছাড়।'

'ফের ওই রকম অসভ্যর মতো কথা বলছিস ?'

দীপার দ্বর কটু, তাঁক্ষ।

জয়দীপের মা ছেলে বড়ো হয়ে ওঠা ইস্তক ছেলেকে ধমক দেবার কথা ভাবতে
পারে না, জয়দীপের বাবা তো নিজ স্বভাববশেই কখনো ছেলেমেয়েকে উঁচু গলায়
কথা বলতো না, পিঠোপিঠি দাঁদিই ওর বরাবরের শাসনকর্তা। কারণ চিরদিনই
ছেলেটা খেললী, বেপরোয়া, বেহুঁশ।

অতএব শাসনের দরকার ছিল, আর সেই শাসনভার দীপাই নিজের হাতে তুলে
নির্দোঁছল। কিন্তু আগে সেই শাসনের ভাঁঙ্গতে একটা কোমল লাষণা ছিল, এখন
লাষণা অন্তর্হিত, কোমলতা শীতল কঠিন। দীপা অবাক হয়ে দেখে, তবুও ওর

মধ্যে চেতনার চিহ্ন নেই।

তবে ওই বেহুশ বেপরোয়া ছেলেটা কখনো দিদির মুখের ওপর কথা বলে না। দিদির কাছে সে যেন একটা বড় মাপের ছোটছেলে। অতএব দিদির ধমকে ভয় পাওয়া ছোটছেলের মতোই বলে, 'আচ্ছা বাবা আচ্ছা, সুসভ্যর মতোই বলাচ্ছি। দিদি রে গোটা পাঁচেক টাকা ধার দে। পকেট গড়ের মাঠ।' 'ধার?'

দীপা একটু তীক্ষ্ণ ব্যঙ্গের হুল ফুটিয়ে হাসে।

তবে জয়দীপ হুলের জ্বালা গায়ে মাখে না।

বলে ওঠে, 'নিশ-চয়। তোর সব টাকার হিসেব রাখাচ্ছি আমি। চাকরি হলেই সুদ সুদুধু ফেরত দেব।'

'রাধা নাচলে তো সাতমণ তেল পড়বে?'

'বুকেটা দমিয়ে দিস নি দিদি! সত্যিই কি আর রাধা চিরদিন চূপ করে দাঁড়িয়ে থাকবে? কোনোদিন নাচবে না? নাচবে রে দিদি নাচবে। সোঁদিন দেখিস। টাকা মাটি, মাটি টাকা, বুঝলি? নেহাত ভগবান মোরে রেখেছে তাই ওটা কাউকে দেখাতে পারাচ্ছি না। যাক্ এখন তো দে পাঁচটা টাকা।'

দীপা জানে ওই বাকচাতুরী করেই দিদির মনটা ভেজাতে চায় ও, কিন্তু দীপা ভিজবে না। দীপা তাই খাতায় চোখ রেখে শুকনো খটখটে গলায় বলে, 'আজ মাসের সাতাশ তারিখ।'

'জানি রে দিদি।'

জয়দীপ একটা লম্বা নিশ্বাস ফেলে, 'ওই তারিখগুলিই তো এখন জীবনের সম্বল হয়েছে। দোসরা থেকে দশ তারিখ পর্যন্ত অসকোচে চাই, এগারো থেকে একুশ পর্যন্ত ঘাড় চুলকে চাই, আর বাইশ থেকে তিরিশ লম্বায় কাটা বাঁওয়া মাথাটা হাতে নিয়ে হাত পাতি।'

'লম্বা!'

দীপা খাতা থেকে মুখ তুলে আর একবার ব্যঙ্গহাসি হাসে। 'লম্বা শব্দটার বানান জানিস?'

'বানান?'

জয়দীপ সাবধানে ঘাড়ের লতানো চুলের মধ্যে আঙুল চালিয়ে ঘাড় চুলকে বলে, বানানটা হয়তো ঠিক জানি না, কিন্তু মানেটা জানি রে। ভাবিস নে জিনিসটা আমার শরীরে নেই। আছে, 'জানতে পারিস না।'

'কী করে পারবো?'

'তা বটে,' সেইভাবেই আবার ঘাড়টা চুলকে নেয়, 'পারা শস্ত! প্রমাণ তো দিতে পারাচ্ছি না। তবু বিশ্বাস কর চেঁটার হুঁটি করাচ্ছি না—।'

'ও তাই নাকি? চেঁটা করছিস? একটা নতুন কথা শুনলাম বটে।'

'বলে নে বাবা বলে নে। বলবার দিন পেরোছিস যখন। ভাগ্যটা বড়ই খারাপ বুঝলি? স্রেফ পদপত্রের মতো। কিছই লেগে যায় না। স্রেফ গাড়িয়ে পড়ে যায়।...কিন্তু সেই আহমাদী পুতুল এসব কিছু বুঝবে না।' দিদি দিয়ে বসে

আছে আজ ওকে সিনেমা দেখাতেই হবে, না দেখালে মুখ দেখাদেখি বন্ধ। বাম্বুয়ী-
দের কাছে ওর না কি প্রেস্টিজ থাকছে না।

রোগে হাড় জ্বলে যায় দীপার।

না হয় মাত্র দেড় বছরের বড়ো দিদি, তবু বড়ো তো। এভাবে বেহায়ার মতো কথা
বলতে মুখে বাধছেও না তো।

দীপার কপাল কুঁচকে ওঠে।

দীপা কড়া গলায় বলে, 'পকেট তো গড়ের মাঠ, এত প্রেম করার শখ কেন?'

জয়দীপ প্যাণ্টের ভাঁজ ভাঙার জয় জুলে দিদির বিছানার উপর বসে পড়ে বলে,
'এ প্রশ্ন তুই আমায় করবি কি, আমি নিজেই নিজেকে করছি রাতদিন। কিন্তু
প্রেম কি আর কেউ শখ করে করে রে? ও তো কম্প দিয়ে জ্বর আসার মতো হঠাৎ
এসে যায়। নিজেই কি জানিস না?' বলেই একটু অপ্রতিভ হয়ে যায় যেন।

দীপার মুখের রেখা কঠিন হয়ে ওঠে।

দীপা ঠান্ডা গলায় বলে, 'আমার কথায় দরকার নেই। থাম।'

জয়দীপ চট করে উঠে পড়ে দুহাতে নিজের দুই কান ধরে 'এই মাপ চাইছি—'
বলে ঘর থেকে বেরিয়ে যাবার জন্যে পা বাড়ায়।

'এই পাজী ছেলে না নিয়ে চলে যাচ্ছিস যে বড়ো?'

জয়দীপ ঘাড় ফিরিয়ে ক্ষুণ্ণ গলায় বলে, 'তুই তো সাতাশ তারিখ দেখিয়ে দিলি!'

'বেশ করোছি। সাতাশকে কি সাত তারিখ বলবো?'

দীপা জ্বার খুলে একটা পাঁচ টাকার নোট বার করে বাড়িয়ে ধরে আর মদহুতে
এঁগিয়ে এসে জয়দীপ সেটাকে প্রায় চিলের মতো ছোঁ মেরে নিয়ে প্যাণ্টের পকেটে
পুরে বেশ নাটকীয় গলায় উচ্চস্বরে, 'ভগবান আপনার মঙ্গল করুন দাদিমণি!' বলে
তিন লাফে বেরিয়ে আসে ঘর থেকে।

বেরিয়ে এসে দালানে পড়া ছাড়া গতি নেই, যেখানে দীপাদের মা চোকীর উপর
জানলা থেকে এসে পড়া রোদটুকুতে পিঠ দিয়ে মর্দা দিয়ে উৎকর্ণ হয়ে বসে
ছিলেন।

হাত পা যত গুঁটিয়ে যাচ্ছে তাঁর কানটা তত বেশী কার্যক্ষম হচ্ছে।

জয়দীপ বেরিয়ে আসতেই চাপা গলায় বলে ওঠেন, 'ভগবানের কথা কী বলছিলি?'

'ভগবান! আমি?'

জয়দীপ আকাশ থেকে পড়েই, দাঁড়িয়ে পড়ে বলে, 'ওঃ হো! বলছিলাম ভগবান!
আমার ভাগ্যে এতো দুঃখও লিখেছিলে।'

এই আক্ষেপবাণীটি দীপাদের মা-র অভ্যস্ত বুলি। কিন্তু তিনি সেটাই ধরতে
পারলেন না বলে উঠলেন, 'আবার বুঝি দিদির কাছে ঠিকি চাইতে গিয়েছিলি?'

জয়দীপের হাতে সময় একটুও নেই, তবু দাঁড়িয়ে পড়ে মা-র মুখের দিকে তাকিয়ে
বলে, 'তাছাড়া উপায়? তোমার কাছে চাইতে এলে ভিক্ষে মিলবে?'

মা কপালে একটা খাবড়া মেরে বলেন, 'সেই কপালই বটে আমার। আমার কৃপণতা
থাকলে কি আর তোর এই দুর্দশা হয়!'

'দুর্দশা? মাই গড! আমায় দেখে কি তোমার দুর্দশাগ্রস্ত বলে মনে হচ্ছে মা?'

‘সে তুই নিজে সাবান কেচে নিজে ইস্ত্রী চালিয়ে হকচকিয়ে থাকিস, তাই। নইলে ধমকের ওপরই তো আছি। সামান্য দুটো চারটে টাকার জন্যে মুখনাড়া খাচ্ছিস। এত বড়ো একটা ছেলেকে কোন সাহসে যে ওভাবে ধমক দেয়।’

জয়দীপ দু’কোমরে হাত দিয়ে সোজা হয়ে দাঁড়িয়ে বলে, ‘কেন? সাহসের অভাবই বা হবে কেন? আমাকে ধমক দেবার রাইট নেই দিদির?’

‘তা আছে বৈ কি!’ মা বেজার গলায় বলেন, ‘দিদি যখন খাওয়াচ্ছে পরাচ্ছে, টাকাটা সিকেটা ভিক্ষে দিচ্ছে, রাইট থাকবে না?’

‘হোপলেস!’

জয়দীপ সত্যিই হতাশ গলায় বলে, ‘আচ্ছা মা, সব সময় তোমার এমন ছোট কথা কইতে ইচ্ছে করে কেন বল তো?’

‘ছোট কথা?’

‘তা ছাড়া? ভালো কথা কও মা, ভালো কথা কও, পরকালের কাজ হবে।’

‘পরকাল!’

মা ক্ষুব্ধ গলায় বলেন, ‘আমার আবার পরকাল। মেয়ের হাত-তোলায় পড়ে আছি, মেয়ের মেজাজের ভয়ে কাঁটা হয়ে আছি—’

‘দ্যাখ মা, আমার এখন সময় নেই তাই তোমায় জ্ঞান দিতে পারছি না,। তবে এই বলে দিলাম, দিদির মতন মানসিক অবস্থায় আমার এই সংসার চালাতে হলে দেখিয়ে দিতাম মেজাজ কাকে বলে।’

বেরিয়ে যায় প্রায় ছুটে।

দীপার কানে এসব কথা পৌঁছয় না, এ দিকটায় শুধুই দেয়াল।

আর হয়তো বা দীপা তখন মেয়েদের পরীক্ষার খাতা থেকে চোখ সরিয়ে ডুব দিয়েছে নিজের জীবনের খাতার মধ্যে।

সেখানে বাইরের কোনো কথা পৌঁছচ্ছে না।

অনুপম আজকাল চিঠিপত্র দেওয়া খুব কমিয়ে দিয়েছে, যাও বা দেয়, হৃদয়ের উদ্ভাপ-বর্জিত সংক্ষিপ্ত। কেবল কাজের চাপের কথাই লেখে। কাজের চাপে সময় পাই না, আর তার সঙ্গে হয়তো ছোট্ট একটু হুল—‘তোমারও তো লম্বা চিঠি পড়বার সময় নেই।’

সত্যিই হয়তো নেই।

সময় হারিয়ে যাচ্ছে, সময় ফুরিয়ে যাচ্ছে।

অথচ বুঝি অকারণেই।

জয়দীপ একটু মানুষ হলে, জয়দীপ এ সংসারের দায়িত্ব নিতে পারলে, দীপা তো এমন করে নিঃশেষ হয়ে যেত না।

আশ্চর্য, ওর ভেতরে যে কী আছে বোঝা যাচ্ছে না। কখনো মনে হয় মায়ামমতা আছে একটু, কখনো মনে হয় একেবারে অনুভূতিশূন্য চেতনাশূন্য। নইলে অনায়াসে মাসের সাতাশ তারিখে বাম্ববীকে সিনেমা দেখানোর জন্যে টাকা চেয়ে বসতে পারে? মা-র জন্যে একটা ওবুধ আনার কথা ছিল সেটা আর দুর্দিন হয়ে উঠবে না। মা-র ধারণা মেয়ে বলেই দীপা মা-র শরীরের জন্যে তেমন উৎকণ্ঠ নয়, ছেলে রোজগারী

হলে মা-র সকল দুঃখ ঘুচতো, মা রাজার হালে থাকত ।

ঈশ্বর জানেন !

দীপা মনে মনে অজানা অদেখা সেই ঈশ্বরকে ডেকে বলে, মা-র ছেলেকে খুব একটা বড়ো চাকরি পাইয়ে দাও, মা-র সেই হালটা দেখে দীপা মনস্তি পাক ।

দীপা আস্তে আস্তে সেই মনস্তি-পাওয়া জীবনের স্বপ্ন দেখতে থাকে । সেই স্বপ্নের দীপা তার মা-র কাছে গিয়ে দাঁড়ায়, শান্ত গলায় বলে, 'মা এবার তাহলে আমার ছুটি ? এবার তো তোমার ছেলে—'

কিন্তু দীপা কি সত্যিই এ স্বপ্ন দেখেছিল—তার পরদিনই তার মুখের ভাবটা কেড়ে নিয়ে তার বেহুশ বেপরোয়া আত্মসুখী ভাইটা এসে বলে উঠবে, 'দিদি এবার তোর ছুটি !'

তাই বললো জয়দীপ ।

মা-র কাছে আগে না গিয়ে আগে দিদির কাছে এলো ।

দীপা চিঠি লিখছিল, জয়দীপ দুমদাম করে এসে ওর খাটের ওপর বসে পড়ে বললো, 'কাকে চিঠি লিখছিছ ? অনুপমদাকে ?'

দীপা রেগে উঠে কড়া গলায় বলে উঠলো, হ্যাঁ, রাতদিন আমি তোর অনুপমদাকেই চিঠি লিখছি—'

'এবার থেকে লেখ লেখ—' জয়দীপ খাটে বসে জোরে জোরে পা দোলাতে দোলাতে বলে, 'এন্টার চিঠি লিখে মরচে পড়ে আসা প্রেমটাকে ঝালিয়ে নিয়ে এবার এ-বাড়ি থেকে কেটে পড় ! এবার তোর ছুটি !'

'আমার ছুটি ?'

দীপা যেন একটা যন্ত্রের মধ্যে থেকে কথা বলে ।

জয়দীপ উঠে আসে, দিদির কাঁধদুটো ধরে নাড়া দিয়ে বলে, 'হ্যাঁ রে বাবা হ্যাঁ । দারুণ একটা চাকরি পেয়ে গেছি ।'

দীপা অনুমান করে এটা একটা চালাকী জয়দীপের । দিদির মেজাজটা হালকা করে নেবার একটা কৌশল । এরপর বলবে, 'পেয়েছি অবশ্যই, তবে স্বপ্নে । তারপর ওর সেই আহম্মাদী পুতুল বান্ধবীর গল্প ফাঁদবে ।

মেয়েটার মা-বাপ নেই, কিন্তু এমন একখানা মামা আছেন যে, সে মেয়ে সর্বদাই আহম্মাদের সাগরে ভাসছে । মামা-মামীর নাকি ছেলেমেয়ে নেই । তা না থাক, দীপাদেরও তো একটা মস্ত কেণ্ট-বিশ্টু কাকা আছেন, যার ছেলেমেয়ে নেই । নিজের কাকা, সত্যিকার কাকা ।

তা তিনি দীপাদের বাবা মারা যাবার পর উপদেশ ছাড়া আর কি দিয়েছেন ? না, আর কিছ্ মনে করতে পারে না দীপা । দীপাদের যে এখন সংসারের চাল খাটো করা উচিত, সুখের দিনের স্মৃতি মন থেকে মুছে ফেলা উচিত, আত্মনির্ভর হওয়া উচিত, এই সবই জনে জনে বুঝিয়েছেন । আর কাকীমা ? তিনি বড় জায়ের গায়ে মাথায় হাত বুলায়ে বলে গেছেন, 'শরীরটার একটু যত্ন নিও দিদি । আহা কী অবস্থাই হয়েছে দেহের ।...দীপা তুই বড়, মাকে একটু দেখিস মা !'

তারপর ? তারপর আর কি ? কিছ্ না ।

অথচ জয়দীপের ওই বাম্ববীর মামা ?

আহ্নাদী ভান্নী চাঁদ চাইলে চাঁদ পেড়ে এনে দিতে প্রস্তুত ।

ভগবান জানেন এসব বানানো কিনা । আর—কার বানানো ।

জয়দীপের, না তার সেই ঘৃষু বাম্ববীর ।

নিজের দর আর কদর বাড়াতে ওই বোকাটার কাছে হয়তো বলে এসব বানিয়ে বানিয়ে ।

অথবা জয়দীপুই দিদির কাছে নিজের দর বাড়ায় । বেকার বলেই যে সে অর্মান একটা সস্তামালের কাছে আত্মসমর্পণ করে বসে আছে তা নয় ।

আসল ঘটনাটা যাই হোক, জয়দীপের সোদিন উচ্ছ্বাসটা প্রবল হয়, দিদিকে খানিকটা না শুনিয়ে ছাড়ে না ।

দীপার আজ ভালো লাগছিল না, দীপা ভিতরে ভিতরে নিজেকে শক্ত করে নিয়ে বলে, 'কাঁধ দুটোর হাড় গুঁড়িয়ে গেল যে—'

'যাক, আহ্নাদে আজ আমার পৃথিবী গুঁড়িয়ে ফেলতে ইচ্ছে করছে ।'

'এত আহ্নাদ ! তা হঠাৎ কে এতবড়ো চাকরিটা দিল ?'

জয়দীপ দিদির খাতাপত্রের প্রতি দৃকপাত না করে টেবিলে উঠে বসে বলে, 'আর কে ? সেই মামা । সত্যি আমাদের ত্রিসীমানায় একটা এমন স্বরবান মামা কাকা মেসো পিসে কেউ নেই । অথচ লোকের কেমন থাকে টাকে । আমাদের থাকলে কি আর ওই আহ্নাদীর মামার দেওয়া চাকরিটা নিতে হতো ।

তা যাকগে আমি তো আর চাই নি ? নিজের গরজেই দিয়েছে । আহ্নাদী নাকি কাঠকবুল করে বসে আছে এই অধমের গলায় ছাড়া মালা দেবে না । অতএব ? অতএব মামাবাবুকে নিজের প্রেস্টিজ রাখতেই নিজের ফার্মের ম্যানেজারের পোস্টটা দিয়ে দিতে হলো আমায় । লোকসমাজে জামাইয়ের পরিচয় দিতে হবে তো ! হাজার খানেক টাকা মাইনে না হলে, বলবে কি করে ?'

হাজার খানেক !

দীপা ক্লান্ত গলায় বলে, 'জয়' আর কত ফাজলামি করবি ? সর, খাতাপত্রগুলো গেল ।'

'গোল্লায় যাক তোমার খাতা ।'

জয়দীপ আরো চেপে বসে বলে, 'তুই তাহলে ভাবিছিস আমি ফাজলামি করছি ?'

টেবিলে আঙুলের টোকা দিতে দিতে বলে, 'তা ভাবতেই পারিস । আমিও প্রথমে ভাবিছিলাম আহ্নাদী ফাজলামি করছে । তারপর যখন মামা ডেকে বললেন, 'বসো, তোমার সঙ্গে কথা আছে,' তখন তো আত্মপুরুষ খাঁচা-ছাড়া । নিবাং কৈফিয়ৎ চাইবে কার হুকুমে ওনার ভান্নীর সঙ্গে এমন লটবটি করছি আমি । এই শীতকালে ধামাছি । তারপর এই কথা । বলব কি, শূনে আমার সেই ফ্রেঞ্চকাট দাড়িওলা গালে একটা চুমু খেয়ে ফেলতে ইচ্ছে হলো ।'

'জয়, বাচালতা রাখবি ?'

'আচ্ছা বাবা, রাখছি রাখছি ! আহ্নাদে নাচতে ইচ্ছে করছে বলেই ! তোর কাছে ছাড়া আর কার কাছে বলি বল ? সত্যি বলছি রে দিদি, তোকে ছুটি দিতে পারবো

এই ভেবেই আরো—

‘চাকরিটা পাকা?’

‘পাকা বলে পাকা! একেবারে কংক্রীটের গাঁথনি।’

‘মাকে বলোছিস?’

‘মাকে?’

জয়দীপ বলে, ‘মাকে বলা টলা ওসব তোর দায়। আমার দ্বারা হবে না। মাকে বলতে গেলেই হয়তো ফ্যাঁচ ফ্যাঁচ করে কাঁদতে বসবে—’

‘তা হোক!’

দীপা দৃঢ় গলায় বলে, ‘তুমি নিজে বলোগে যাও।’

‘অগত্যা।’

জয়দীপ বেরিয়ে যায়।

জয়দীপ ভাবতে ভাবতে যায় ভাবী শব্দরের দেওয়া চাকরি বলেই কি দিদির তেমন আহ্লাদ হলো না? হতে পারে। আমারই কি একটু ইয়ে হয় নি? তবে নিজের গরজেই তো দিয়েছে। আমি তো আর হ্যাংলার মতো চাইতে যাই নি। আর আহ্লাদীকে তো আমি সফ জবাব দিয়েই দিয়েছিলাম প্রেম করছো প্রেম কর! বিয়ে টিরের কথা মুখে এনো না। তোমার মামার আদরের ভাণী জামাই হবার মতো যোগ্যতা আমার কম্বন কালেও হবে না। অতএব মামা যার গলায় ঝুলিয়ে দেবে, তার গলা ধরেই ঝুলে পড়ে, আর মাঝে মাঝে দীর্ঘশ্বাস ফেল, ব্যস।...ও যদি নিজের গরজে মামাকে ধরে পড়ে এসব করে থাকে, তাতে আমার কী বাবা?...তা দিদি বস্ত মানী তো।

জয়দীপ তার দিদিকে জানে।

দীপা বস্ত মানী।

আর অতো মানী বলেই হয়তো ওর এখন মনে হচ্ছে ওর ছোট ভাই হঠাৎ ভয়ানক একটা অপমান করে গেল ওকে। যেন সে দীপার এতোদিনের সমস্ত দুর্ব্যবহারের শোধ দিতে দীপার মূখের ওপর একটা চড় বসিয়ে গেল। দীপা সেই অপমানে টোবলের ওপর ভেঙে পড়ে কেঁদে ফেললো।...আর কাঁদতে কাঁদতে ওই অপমানের জ্বালাটা একটা শোকের হাহাকারে পরিণত হলো। শোকই।

সেই শোকের শূন্যতা দীপাকে মনে করিয়ে দিচ্ছে খুব দামী একটা জিনিস তুমি হারিয়ে ফেললে দীপা। আর কোনোরূপেই এই পাশাপাশি দুটো ঘরের মাঝখানের ওই দরজাটার দাঁড়িয়ে একটা অবুঝ বেঁহুঁশ ছেলে বলে উঠবে না, এই দিদি, কিছ ছাড়তে পারবি? পকেট গড়ের মাঠ।

